

ხელშეკრულება სახელმწიფო შესყიდვის შესახებ N 3/166ტ

წინამდებარე ხელშეკრულება დაიდო 2020 წლის 29 აპრილს, ერთი მხრივ სსიპ საქართველოს კულტურული მემკვიდრეობის დაცვის ეროვნული სააგენტო (შემდგომში „შემსყიდველი“) წარმოდგენილი მისი გენერალური დირექტორის ნიკოლოზ ანთიძის სახით და მეორეს მხრივ, შპს ხელშეკრულების ნიშნულთა კონსერვაციის ცენტრი (შემდგომში „მიმწოდებელი“) წარმოდგენილი მისი დირექტორის გიორგი კუპრაშვილის სახით, „სახელმწიფო შესყიდვების შესახებ“ საქართველოს კანონის და პრეტენდენტის სატენდერო წინადადების საფუძველზე.

შემსყიდველმა ჩაატარა ელექტრონული ტენდერი (სატენდერო განცხადების ნომერი NAT200006729) თეთრიწყაროს მუნიციპალიტეტი. ფიტარეთის სამონასტრო კომპლექსის მთავარი ტაძრის (გუმბათი) ქვის კონსერვაციის სამუშაოები (CPV კოდი 45454100), რომელშიც გამარჯვებულად მიჩნეული იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება შეასრულოს სამუშაო შემდეგ თანხაზე: 100`000.00 (ასი ათასი) ლარი ყველა გადასახადის (დღგ-ს გარეშე) ჩათვლით (შემდგომში „ხელშეკრულების ღირებულება“).

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და უზრუნველყოფს სამუშაოს შესრულებას სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. შესყიდვის ობიექტი

2.1 შესყიდვის ობიექტია თეთრიწყაროს მუნიციპალიტეტი. ფიტარეთის სამონასტრო კომპლექსის მთავარი ტაძრის (გუმბათი) ქვის კონსერვაციის სამუშაოები, რომელიც განისაზღვრება ტექნიკური დავალების და სამუშაოების ხარჯთაღრიცხვის შესაბამისად. შესყიდვის ტექნიკური დავალება და ხარჯთაღრიცხვა თან ერთვის ხელშეკრულებას და წარმოადგენს მის განუყოფელ ნაწილს (იხ. დანართი 1 და დანართი 2).

3. სამუშაოს შესრულების პირობები

3.1 სამუშაოს შესრულების ადგილია - თეთრიწყაროს მუნიციპალიტეტი. ფიტარეთის სამონასტრო კომპლექსი.

3.2 შესრულებულ სამუშაოთა ანგარიშის ჩაბარების საბოლოო ვადაა ხელშეკრულების გაფორმებიდან არაუგვიანეს 2020 წლის 25 ნოემბერი.

4. ხელშეკრულების შესრულების კონტროლი

4.1 შემსყიდველს ან მის წარმომადგენლებს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე და განახორციელოს შესრულებული სამუშაოს პერიოდული ინსპექტირება.

4.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

4.3 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული სამუშაოების ნაწილის და წუნდების მიზეზების მითითებით.

4.4 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა შემსყიდველის მიერ მითითებულ ვადაში.

4.5 შემსყიდველს უფლება აქვს განახორციელოს ტექნიკური ზედამხედველობა, მშენებლობის ნებისმიერ მომენტში შეამოწმოს გამოყენებული მასალებისა და სამუშაოთა შესრულების ხარისხი. იმ შემთხვევაში, თუ ხარისხი არ აღმოჩნდება სამშენებლო ნორმებისა და სტანდარტების შესაბამისი, შემსყიდველი მხარე უფლებამოსილია შეაჩეროს სამშენებლო სამუშაოთა წარმოება და აკრძალოს შეუსაბამო მასალების გამოყენება.

4.6 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

4.7 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.

4.8 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ სსიპ „საქართველოს კულტურული მემკვიდრეობის დაცვის ეროვნული სააგენტოს“ თანამშრომლები: ნ. ზაზუნაშვილი, ი. ნაგლაძე.

5. შესყიდვის ობიექტის მიღება-ჩაბარების წესი

5.1. მიმწოდებელი ატყობინებს შემსყიდველს **სამუშაოთა ეტაპობრივი და საბოლოო დასრულების შესახებ**.

5.2. წარმოდგენილი პირობებისა და ვადების ფარგლებში მიმწოდებელმა საბოლოო პროდუქციის სახით შემსყიდველს უნდა გადასცეს შესრულებული სამუშაოები, შესრულებული სამუშაოების ანგარიში (საქართველოს კანონის „კულტურული მემკვიდრეობის შესახებ“ მოთხოვნათა შესაბამისად), შესრულებული სამუშაოების აქტები (ფორმა 2).

5.3. შემსყიდველი ამოწმებს მიმწოდებლის მიერ შესრულებული სამუშაოს სრულყოფილებას, მიმწოდებლის მიერ შესაბამისი დოკუმენტების წარმოდგენის დღიდან **10 (ათი) სამუშაო დღის ვადაში**.

5.4. სამუშაოების დასრულების შემდგომ ხელშეკრულების 4.8 მუხლში აღნიშნული პირობების მიერ შემოწმების შედეგად შედგება შესაბამისი დასკვნა და მიღება-ჩაბარების აქტი.

5.5. თუ შესრულებული სამუშაო არ შეესაბამება წინამდებარე ხელშეკრულების პირობებს, შემსყიდველი დადგენილი წესის შესაბამისად მიმწოდებელთან ერთად ან მის გარეშე ადგენს აქტს და განუსაზღვრავს ხარვეზის აღმოფხვრის ვადას.

5.6. მიმწოდებელი ვალდებულია წუნის (დეფექტების) აღმოჩენის შესახებ შესაბამისი აქტის გაფორმებისა და შეტყობინების მიღებიდან ინსპექტირების ჯგუფის მიერ შეტყობინებაში მითითებულ ვადაში აღმოფხვრას ინსპექტირების შედეგად აღმოჩენილი დეფექტები.

5.7. თუ შემსყიდველმა სამუშაოები შეაფასა წუნით, დასრულებულად ჩაითვლება სამუშაოები დეფექტების აღმოფხვრის შემდეგ.

5.8. შესყიდვის ობიექტის მიღება განხორციელდება მხარეთა მიერ შედგენილი მიღება-ჩაბარების აქტ(ებ)ის საფუძველზე (შემსყიდველის მხრიდან მიღება-ჩაბარების აქტ(ებ)ის გაფორმებაზე უფლებამოსილ პირ(ებ)ს წარმოადგენენ წინამდებარე ხელშეკრულების პირობების 4.8 მუხლში მითითებული პირები).

5.9. მიღება-ჩაბარების აქტების გაფორმების პარალელურად, მიმწოდებელი ვალდებულია წარმოადგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

6. ანგარიშსწორება

6.1. ანგარიშსწორება მოხდება ლარებში სსიპ „საქართველოს კულტურული მემკვიდრეობის დაცვის ეროვნული სააგენტოს“ **2020 წლის ბიუჯეტის (პროგრამა) სახსრებით**.

6.2. გადახდის ფორმა – უნაღდო.

6.3. შესრულებული სამუშაოს ანგარიშსწორება განხორციელდება **ეტაპობრივად**, მხარეთა მიერ შედგენილი მიღება-ჩაბარების აქტ(ებ)ის, ინსპექტირების ჯგუფის დადებითი დასკვნისა, საგადასახადო დოკუმენტაციის საფუძველზე, ყველა ამ დოკუმენტების წარმოდგენიდან 30 (ოცდაათი) დღის განმავლობაში.

6.4. იმ შემთხვევაში, თუ განსაზღვრული გარემოებების გამო, მიმწოდებლის მიერ შესრულებული სამუშაოების ღირებულებამ შეადგინა ამ ხელშეკრულებით გათვალისწინებულ თანხაზე ნაკლები, შემსყიდველი აუნაზღაურებს მიმწოდებელს მის მიერ ფაქტიურად შესრულებული სამუშაოს ღირებულებას წინამდებარე ხელშეკრულებით განსაზღვრული ერთეულის ფასების შესაბამისად.

6.5. წინასწარი ანგარიშსწორების შემთხვევაში მიმწოდებელი ვალდებულია, წარმოადგინოს ავანსის სახით გადასახდელ თანხაზე საავანსო საბანკო გარანტია (არაუმეტეს ხელშეკრულების საერთო ღირებულების 30%), რომლის მოქმედების ვადა 60 (სამოცი) კალენდარული დღით უნდა აღემატებოდეს შესყიდვის ობიექტის მიწოდების ვადას. საავანსო თანხის გადახდა მოხდება შესაბამისი საბანკო გარანტიის წარმოდგენის დღიდან არაუგვიანეს 10 (ათი) სამუშაო დღის ვადაში.

6.6. დაუშვებელია წინასწარ გადახდილი თანხები მიმწოდებელმა გამოიყენოს სხვა მიზნებისთვის, რაც არ არის გათვალისწინებული წინამდებარე ხელშეკრულების პირობებით. მიმწოდებელი ვალდებულია შემსყიდველის მოთხოვნის შემთხვევაში წარმოადგინოს წინასწარ გადახდილი თანხების გამოყენების შესახებ დასაბუთებული ინფორმაცია.

7. ფასები

7.1. მიმწოდებლის მიერ დაფიქსირებული შესყიდვის ობიექტის ფასი წარმოადგენს ხელშეკრულების ღირებულებით პარამეტრებს.

7.2. ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.

7.3. ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

7.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

8. მხარეთა უფლება-მოვალეობანი

8.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.

8.2 შემსყიდველი ვალდებულია:

8.2.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

- 8.2.2. ხელშეკრულებით გათვალისწინებული სამუშაოს შესრულების პროცესში აცნობოს მიმწოდებელს ყველა განსაკუთრებული გარემოებების წარმოშობის შესახებ;
- 8.2.3. ხელშეკრულებით გათვალისწინებული პირობების შესაბამისად აუნაზღაუროს მიმწოდებელს შესრულებული სამუშაოს ღირებულება.
- 8.2.4. წერილობითი ფორმით დაუყოვნებლივ აცნობოს მიმწოდებელს რაიმე დეფექტის ან ნაკლის აღმოჩენის შესახებ.
- 8.3. შემსყიდველს უფლება აქვს:
- 8.3.1. განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;
- 8.3.2. განახორციელოს კონტროლი სამუშაოების წარმოებისას;
- 8.4. მიმწოდებელი ვალდებულია:
- 8.4.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
- 8.4.2. ხელშეკრულების გაფორმებისთანავე, სამუშაოების დაწყებამდე გადაიხადოს სანებართვო მოსაკრებელი კულტურული მემკვიდრეობის ძეგლზე სამუშაოების ნებართვის მისაღებად 50 (ორმოცდაათი) ლარის ოდენობით და აიღოს შესაბამისი ნებართვა ხელშეკრულების გაფორმებიდან 3 (სამი) სამუშაო დღის განმავლობაში, წინააღმდეგ შემთხვევაში შემსყიდველი იტოვებს უფლებას ცალმხრივად შეწყვიტოს ხელშეკრულება.
- 8.4.3. შეტყობინების მიღებიდან ინსპექტირების ჯგუფის მიერ განსაზღვრულ ვადაში აღმოფხვრას დეფექტი შემსყიდველის მხრიდან რაიმე დამატებითი დანახარჯების გაწევის გარეშე;
- 8.4.4. სამუშაოს განხორციელების განმავლობაში სრულად დაიცვას დადგენილი უსაფრთხოების წესები და მიიღოს შესაბამისი ზომები, რაც უზრუნველყოფს გარემოს, ისტორიული ძეგლის ქონების და სამუშაოებში მონაწილე ყველა პირთა უსაფრთხოებას.
- 8.4.5. სამუშაოების დასრულების შემდეგ 5 (ხუთი) წლის განმავლობაში რაიმე წუნის (დეფექტი ნაკლოვანებები) აღმოჩენის შემთხვევაში, თუ დადგინდება, რომ აღნიშნული წუნი გამოწვეულია მიმწოდებლის მიზეზით, მიმწოდებელი ვალდებულია აღმოფხვრას უხარისხოდ შესრულებული სამუშაოები საკუთარი ხარჯებით.
- 8.5. მიმწოდებელს უფლება აქვს:
- 8.5.1. მოსთხოვოს შემსყიდველს ხელშეკრულებით გათვალისწინებული პირობების შესაბამისად შესრულებული სამუშაოს ღირებულების ანაზღაურება.

9. ხელშეკრულებაში ცვლილებების შეტანა

- 9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.
- 9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია სამუშაოს შესრულების ვადის ამოწურვამდე არაუგვიანეს **5 (ხუთი) დღის ვადაში**.
- 9.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის მოთხოვნათა გათვალისწინებით.
- 9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. უფლებების გადაცემა

- 10.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

11. ხელშეკრულების პირობების შეუსრულებლობა

- 11.1. ხელშეკრულებით ნაკისრი ვალდებულებების მთლიანად ან ნაწილობრივ შეუსრულებლობისათვის მიმწოდებელს შეიძლება დაეკისროს პირგასამტეხლო ხელშეკრულების საერთო ღირებულების ან შეუსრულებელი ნაწილის 10%-ის ოდენობით იმისდა მიხედვით მთლიანად არის ვალდებულია შეუსრულებელი თუ ნაწილობრივ;
- 11.2 ხელშეკრულებით ნაკისრი ვალდებულებების შესრულების ვადის (მ.შ. გეგმა-გრაფიკით გათვალისწინებული ვადების ჩამორჩენის, ვადის გადაცილების) გადაცილებისათვის დამრღვევ მხარეს დაეკისრება პირგასამტეხლოს გადახდა, ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.
- 11.3 მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.
- 11.4 ხელშეკრულების არაჯეროვნად შესრულებისას ინსპექტირების ჯგუფის მიერ წუნის (დეფექტების) აღმოჩენის შემთხვევაში, საჯარიმო სანქციების ათვლა მოხდება ხელშეკრულების 5.5. პუნქტში აღნიშნულ აქტში მითითებული წუნის აღმოფხვრისთვის განსაზღვრული ვადის გასვლის შემდეგ.
- 11.5. საჯარიმო სანქციების გადახდა არ ათავისუფლებს მიმწოდებელს ნაკისრი ვალდებულებების შესრულებისგან.
- 11.6. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3 (სამი) პროცენტს, შემსყიდველი იტოვებს უფლებას შეწყვიტოს ხელშეკრულება.

12. ხელშეკრულების შეწყვეტა მისი პირობების შეუსრულებლობის გამო

- 12.1 მიმწოდებლის მიერ ხელშეკრულების პირობების შეუსრულებლობის შემთხვევაში შემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

12.3 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

12.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

დ) საქართველოს კანონმდებლობით გათვალისწინებულ სხვა შემთხვევებში.

12.5 ამ მუხლის მე-4 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტურად შესრულებული სამუშაოს ღირებულება.

12.6 შემსყიდველი უფლებამოსილია მთლიანად ან ნაწილობრივ ცალმხრივად შეწყვიტოს ხელშეკრულება, თუკი მიმწოდებლის მხრიდან შესყიდვის ობიექტის მიწოდების ვადების დარღვევის პერიოდი აღემატება 15 (თხუთმეტი) კალენდარულ დღეს.

13. ფორს-მაჟორი

13.1 ხელშეკრულების დამდეგი რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზიაროს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

14. სადაო საკითხების გადაწყვეტა

14.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს, თუ ხელშეკრულების პირობებში სხვა რამ არ არის გათვალისწინებული.

15. გამოყენებული სამართალი

15.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16. შეტყობინება

16.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის (მატერიალური ან ელექტრონული) სახით გზავნილის ან ელექტრონული ფოსტის საშუალებით, ხელშეკრულებაში მითითებული მეორე მხარის მისამართზე/ელ.ფოსტაზე.

16.2 შეტყობინება შედის ძალაში ადრესატის მიერ მისი მიღების დღეს, ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

17. გადასახადები და დაბეგვრა

17.1 უცხოელი მიმწოდებელი პასუხს აგებს სამუშაოს შესრულებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

17.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულების პირობებით სხვა რამ არ არის გათვალისწინებული.

18. ხელშეკრულების მოქმედების ვადა

18.1 წინამდებარე ხელშეკრულება ძალაშია მხარეთა მიერ ხელშეკრულების ხელის მოწერის დღიდან, **2021 წლის 31 იანვრის ჩათვლით** გარდა წინამდებარე ხელშეკრულების 8.4.5. პუნქტისა.

19. სხვა პირობები

19.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

19.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

19.3 ხელშეკრულება შედგენილია ქართულ ენაზე. ელექტრონული ფორმატით, რომლის ამონაბეჭდი არის ელექტრონული დოკუმენტის ასლი და მას ელექტრონული დოკუმენტის თანაბარი იურიდიული ძალა აქვს. ელექტრონული დოკუმენტი ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

19.4 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმით იქნება შედგენილი და ელექტრონული ფორმატით ხელმოწერილი მხარეთა მიერ.

20. მხარეთა რეკვიზიტები:

შემსყიდველი

სსიპ „საქართველოს კულტურული მემკვიდრეობის
დაცვის ეროვნული სააგენტო“
მის: ქ. თბილისი, თაბუკაშვილის #5
ელ.ფოსტა: procurementunit@heritagesites.ge
სახელმწიფო ხაზინა
კოდი: TRESGE22
ა/ა # GE24NB0330100200165022
ს/კოდი: 204562311

გენერალური დირექტორი

ნიკოლოზ ანთიძე

მიმწოდებელი

შპს ხელოვნების ნიმუშთა კონსერვაციის ცენტრი
მის: ქ. თბილისი; კოსტავას 44
likachinchaladze@yahoo.com
ტელ: 577453197
სს თბილისი ზანკი;
კოდი: TBCBGE22
ა/ა # GE02TB7858636080100002
ს/კოდი: 404417975

დირექტორი

გიორგი კუპრაშვილი

ხელშეკრულება ხელმოწერილია მხარეთა მიერ ელექტრონული ფორმით

თეთრიწყაროს მუნიციპალიტეტი.
ფიტარეთის სამონასტრო კომპლექსის მთავარი ტაძრის (გუმბათი) ქვის კონსერვაციის სამუშაოები

ტექნიკური დავალება

❖ პრეამბულა

ფიტარეთის სამონასტრო კომპლექსი თეთრიწყაროს მუნიციპალიტეტში, მდინარე ხრამის ხეობაში მდებარეობს. გუმბათიანი ტაძარი XIII საუკუნით თარიღდება, და XII-XIII სს.-დან გავრცელებულ ეკლესიათა გეგმარებით ტიპს მიეკუთვნება. ტაძარზე არსებული წარწერიდან ვგებულობთ რომ ეკლესია ლაშა-გიორგის (1212-1222 წწ.) მეფობის დროს არის აშენებული, ამირეჯობ ქავთარ ქაჯიფაისძის მიერ, ომში ნაშოვნია სახსრებით. ფიტარეთის სამონასტრო კომპლექსი შემოზღუდულია გალავნით. ტერიტორიაზე ასევე განთავსებულია სამრეკლო და მარანი. მარანი ფიტარეთის წინამძღვრის, იობის მიერ, 1696 წელს არის აგებული. ტაძრის გეგმის საფუძველს ჩახაზული ჯვარი წარმოადგენს, საკურთხეველის კუთხეებსა და ორ თავისუფლად მდგომ ბურჯზე დაყრდნობილი გუმბათით. გეგმაში ტაძარი კვადრატს მიახლოებულია. შემოსასვლელი სამხრეთით არის გაჭრილი, რომელიც პორტიკს წარმოადგენს. ტაძრის ინტერიერი მთლიანად მოხატულია, თუმცა მისი დიდი ნაწილი დაზიანებულია. ფასადები შემკულია ორნამენტებით. ქვაში ნაკვეთი ორნამენტებით ძირითადად შემკულია სარკმლები, რომლებიც გაფორმებულია ჯვრებით, ლომებისა და ადამიანთა ფიგურებით, ასევე მცენარეულ მოტივებზე აგებული დეკორით, კარნიზებით. დეკორით აქცენტირებულია აღმოსავლეთ ფასადი და გუმბათის ყელი, ასევე სამხრეთის შესასვლელი პორტიკი. ფადასებს უფრო მეტ მხატვრობას გამოყენებული სამშენებლო მასალა ანიჭებს, სადაც თლილი ქვის მოიხსნა, ღვინისფერი, მოოქროსფრო და ფირუზისფერი კვადრები ეხამება ერთმანეთს.

XX საუკუნის 30-იან წლებში ჩატარებული სარესტავრაციო სამუშაოების შედეგად, ნაგებობის გუმბათზე და მზიდ კედლებზე დამონტაჟდა ლითონის მოჭიმი სისტემა. დღესდღეისობით ზემოთ აღნიშნული მჭიმები ნაწილობრივ ამორტიზირებულია.

1988 წელს ფიტარეთის გუმბათიან ტაძარზე განხორციელდა მასშტაბური სამუშაოები, რომელიც განსაკუთრებულად შეეხო გუმბათს. ამ პერიოდში „საპროექტო ჯგუფის გადაწყვეტილებით, პირველ რიგში, გაძლიერდა საძირკველის კუთხეები, შემდგომ მოიხსნა გუმბათის ლორფინი. პირველი რიგის გადაუდებელი სამუშაოები ჩატარდა.

1996-1997 წწ. ეკლესიის მთელ პერიმეტრზე ნაწილ-ნაწილ მოხდა შესუსტებული საძირკვლების გაძლიერება კირის ბეტონით. ფასადებზე მიწისძვრის შედეგად გაჩენილი ღრმა, ზოგან გამჭოლი ბზარი გაიწმინდა გამოფიტული მაკავშირებლისაგან და კირის ხსნარის გამოყენებით მოხდა კედლის მასების სიმკვრივის აღდგენა.

2008 წელს მომზადებული პროექტის მიხედვით (ავტორი მ. გელაშვილი) გათვალისწინებული იყო ფიტარეთის გუმბათიან ტაძარზე მცირე სარეაბილიტაციო სამუშაოების განხორციელება, რომელიც მოიცავდა ჩრდილო-აღმოსავლეთ ნაწილში ლორფინის ფილების გადაწყობას.

დღევანდელი მდგომარეობით ფიტარეთის ტაძარი საჭიროებს ქვის საკონსერვაციო სამუშაოების განხორციელებას, ასევე კედლის მხატვრობის კონსერვაციას. ფიტარეთის სამონასტრო კომპლექსი ერთ-ერთ უმნიშვნელოვანეს არქიტექტურული მემკვირეობის ძეგლს წარმოადგენს, რომლის დაცვა და შენარჩუნება აუცილებელია.

2020 წელს დაგეგმილია მთავარი ტაძრის გუმბათისა და ინტერიერის სამშენებლო მასალის (ქვის) კონსერვაციის სამუშაოები.

❖ ფიტარეთის ტაძრის გუმბათზე და ინტერიერში განსახორციელებელია შემდეგი სამუშაოები:

- კედლის სტრუქტურის გამაგრება პროექტით გათვალისწინებული საერთაშორისო სტანდარტებისა და შედგენილი დოკუმენტაციის მეთოდოლოგიის შესაბამისად, კერძოდ:

1. გუმბათი:

- ✓ ქვებს შორის ცარიელი ადგილების გამოწმენდა;
- ✓ ნაკერებისა და ბზარების ინექტირება;
- ✓ ნაკერების, მიკრობზარებისა და ბზარების ამოვსება;
- ✓ კონსოლიდაცია ეტილსილიკატით;
- ✓ ქვების ჩამაგრება;
- ✓ რეკონსტრუქცია არმირებული კირის ხსნარით;
- ✓ ქვის ნაწილების ფრაგმენტების გაერთიანება;
- ✓ ძველი შევსებების გაწმენდა და შეცვლა კირის ხსნარით;
- ✓ მექანიკური წმენდა;

- ✓ ფასადის ბიოციდით შეწამვლა 5-ჯერ;
- ✓ ორნამენტების კონსერვაცია;
- 2. **ინტერიერი:**
- ✓ დიდი ბზარების ინექტირება ჰიდრაგლიკური კირით და პოცოლონით;
- ✓ დიდი ბზარების შევსება;
- ✓ მცირე ბზარების შევსება.

❖ **ზოგადი სახელმძღვანელო პრინციპები**

საქართველოს ტერიტორიაზე არსებული კულტურული ფასეულობების მოვლა-პატრონობა და მათი შენარჩუნება უმნიშვნელოვანესი ფაქტორია სახელმწიფოს განვითარების პროცესში. ჩასატარებელი სამუშაოებით მოხდება საქართველოს კულტურული მემკვიდრეობის ნიმუშების რეაბილიტაციისათვის საჭირო ღონისძიებების განხორციელება.

❖ **ძირითადი პირობები**

ტენდერის ძირითადი პირობაა ფიტარეტის სამონასტრო კომპლექსის მთავარი ტაძრის დაზიანებული გუმბათისა და ინტერიერის კონსერვაციის სამუშაოები.

ზემოაღნიშნული სამუშაოები უნდა შესრულდეს პროექტით გათვალისწინებული მასალების სპეციფიკაცია და პროექტით დამუშავებული სარესტავრაციო-საკონსერვაციო მეთოდოლოგიის სრული დაცვით.

მიმწოდებელმა სამუშაოები უნდა შეასრულოს მაღალი ხარისხით, კულტურული მემკვიდრეობის ძეგლის ელემენტების შენარჩუნებით.

სარეაბილიტაციო სამუშაოების მიმდინარეობისას ახლადგამოვლენილი გარემოებ(ებ)ის გამოვლენისა და მისი დასაბუთების შემთხვევაში, პროექტიდან რაიმე გადახვევა (ან მასში ცვლილება) შეთანხმებულ იქნეს შემსყიდველთან.

მიმწოდებელი შემსყიდველთან შეთანხმებული სამუშაოების გრაფიკის შესაბამისად, ეტაპობრივად წარუდგენს მას ინფორმაციას წერილობითი ანგარიშის სახით, გათვალისწინებული სამუშაოების მიმდინარეობის შესახებ. მიმწოდებელი ვალდებულია გაითვალისწინოს შემსყიდველის შენიშვნები და წინადადებები, რაც შემდგომში საფუძვლად დაედება შესრულებული სამუშაოების ანაზღაურებას.

მიმწოდებლის მიერ სამუშაოთა მიმდინარეობის პროცესში აუცილებელია გათვალისწინებულ იქნეს საავტორო ზედამხედველობა.

შესრულებული სამუშაოს ანგარიში შემსყიდველს წარედგინება 3 (სამი) ეგზემპლარად: ელექტრონული ვერსია - კომპაქტური დისკების (CD) სახით (3 ეგზემპლარი), მყარი ასლების სახით (3 ეგზემპლარი), ტექსტური და გრაფიკული მასალის დოკუმენტირებით.

მიმწოდებელი ვალდებულია რეაბილიტაციის დაწყებამდე ძეგლზე დაამონტაჟოს ჩასატარებელი სამუშაოების ამსახველი საინფორმაციო ბანერი, რომელიც უნდა შეიცავდეს შემდეგ ინფორმაციას:

- მესაკუთრე;
- შემსყიდველი;
- მიმწოდებელი;
- ჩასატარებელი სამუშაოს სახეობა;

❖ **სარეაბილიტაციო სამუშაოების საპროექტო დოკუმენტაცია მოცემულია ტექნიკური დავალების დანართების სახით:**

ფიტარეტის სამონასტრო კომპლექსის სამშენებლო მასალის ქვის კონსერვაციის პროექტი (PDF-ფაილები, ელექტრონული ვერსია, დანართი №1);

❖ **შემსყიდველისთვის გადასაცემი საბოლოო პროდუქცია**

წარმოდგენილი პირობებისა და ვადების ფარგლებში შემსრულებელმა საბოლოო პროდუქციის სახით დამკვეთს უნდა გადასცეს შესრულებული სამუშაოების ანგარიში, შესრულებული სამუშაოების აქტები - ფორმა №2 და საჭიროების შემთხვევაში, ფარული სამუშაოების აქტები.

❖ **გარემოს დაცვა**

სამუშაოების წარმოებისას, სამშენებლო მოედანი პერიოდულად უნდა გაიწმინდოს სამშენებლო ნარჩენებისა და ნაგვისგან, რათა არ მოხდეს გარემოს დაზიანება. სამუშაოების დასრულების შემდეგ კი უნდა მოხდეს ტერიტორიის სრული დასუფთავება.

❖ **ნორმატიული დოკუმენტები**

მუშაობის პროცესში მომწოდებელი ვალდებულია სამუშაოები შეასრულოს მოქმედი სამშენებლო ნორმებისა და წესების მიხედვით.

- ყველა სამუშაოს განხორციელება მოხდეს საქართველოს მთავრობის 2007წ. 28 მარტის №62 დადგენილების „მშენებლობის უსაფრთხოების წესები“-ს მოთხოვნათა გათვალისწინებით

❖ *სამუშაოთა საბოლოო მიღება*

მიმწოდებელი ატყობინებს შემსყიდველს სამუშაოთა დასრულების შესახებ.

შემსყიდველი ამოწმებს დასრულებულ სამუშაოთა მოცულობას. თუ შემსყიდველმა სამუშაოები შეაფასა წუნით, დასრულებულად ჩაითვლება სამუშაოები დეფექტების აღმოფხვრის შემდეგ.

❖ *სამუშაოთა შესრულების ვადები;*

შესრულებულ სამუშაოთა ანგარიშის ჩაბარების საბოლოო ვადაა 2020 წლის 25 ნოემბერი.

ფიტარეთის ტაძრის ქვის კონსერვაცია . ხარჯთაღრიცხვა

№	სამუშაოებისა და დანახარჯების დასახელება	განზომილების ერთეული	საპროექტო მოცულობა	ერთეულის ფასი (ლარი)	საპროექტო მოცულობისა და ერთეულის ფასის ნამრავლი (ლარი)
1	2	3	4	5	6
	ქვის კონსერვაციის სამუშაოები (გუმბათი)				-
1	ქვებს შორის ცარიელი ადგილების გამოწმენდა	გრძივი/მ	176,0	4,75	836,00
2	ნაკერებისა და ბზარების ინექტირება	გრძივი/მ	176,0	55,00	9 680,00
3	ნაკერების, მიკრობზარებისა და ბზარების ამოვსება	გრძივი/მ	300,0	50,62	15 186,00
4	კონსოლიდაცია ეთილსილიკატით	მ²	60,0	350,00	21 000,00
5	ქვების ჩამაგრება	მ²	4,0	297,27	1 189,08
6	რეკონსტრუქცია არმირებული კირის ხსნარით	მ²	15,0	120,00	1 800,00
7	ქვის ნაწილების ფრაგმენტების გაერთიანება	დეციმეტრ²	50,0	200,00	10 000,00
8	ძველი შევსებების გაწმენდა და შეცვლა კირის ხსნარით	მ²	5,0	150,00	750,00
9	მექანიკური წმენდა	მ²	121,0	24,00	2 904,00
10	ფასადის ბიოციდით შეწამვლა 5-ჯერ	მ²	500,0	6,00	3 000,00
11	ორნამენტების კონსერვაცია	დეციმეტრ²	50,0	250,00	12 500,00
	ინტერიერი				-
1	დიდი ბზარების ინექტირება ჰიდრავლიკური კირით და პოცოლონით	გრძივი/მ	16,0	160,0	2 560,00
2	დიდი ბზარების შევსება	გრძივი/მ	16,0	70,0	1 120,00
3	მცირე ბზარების შევსება	გრძივი/მ	55,0	30,0	1 650,00
	ჯამი				84175,08
	ზედნადები ხარჯები	10%			8417,51
	ჯამი				92592,59
	გემგირი დაგროვება/ მოგება	8%			7407,41
	სრული ჯამი				100000,00

ფიტარეთის ტაძრის ქვის კონსერვაცია . ხარჯთაღრიცხვა

1 ეტაპი

№	სამუშაოებისა და დანახარჯების დასახელება	განზომილების ერთეული	საპროექტო მოცულობა	ერთეულის ფასი (ლარი)	საპროექტო მოცულობისა და ერთეულის ფასის ნამრავლი (ლარი)
1	2	3	4	5	6
	ქვის კონსერვაციის სამუშაოები (გუმბათი)				-
1	ქვებს შორის ცარიელი ადგილების გამოწმენდა	გრძივი/მ	100,0	4,75	475,00
2	ნაკერებისა და ბზარების ინექტირება	გრძივი/მ	100,0	55,00	5 500,00
3	ნაკერების, მიკრობზარებისა და ბზარების ამოვსება	გრძივი/მ	150,0	50,62	7 593,00
4	კონსოლიდაცია ეთილსილიკატით	მ²	40,0	350,00	14 000,00
5	ქვების ჩამაგრება	მ²	1,0	297,27	297,27
6	რეკონსტრუქცია არმირებული კირის ხსნარით	მ²	5,0	120,00	600,00
7	ქვის ნაწილების ფრაგმენტების გაერთიანება	დეციმეტრ²	30,0	200,00	6 000,00
8	ძველი შევსებების გაწმენდა და შეცვლა კირის ხსნარით	მ²	3,0	150,00	450,00
9	მექანიკური წმენდა	მ²	100,0	24,00	2 400,00
10	ფასადის ბიოციდით შეწამვლა 5-ჯერ	მ²	250,0	6,00	1 500,00
11	ორნამენტების კონსერვაცია	დეციმეტრ²	20,0	250,00	5 000,00
	ინტერიერი				-
1	დიდი ბზარების ინექტირება ჰიდრაულიკური კირით და პოცოლონით	გრძივი/მ	0,0	160,0	-
2	დიდი ბზარების შევსება	გრძივი/მ	0,0	70,0	-
3	მცირე ბზარების შევსება	გრძივი/მ	0,0	30,0	-
	ჯამი				43815,27
	ზედნადები ხარჯები	10%			4381,53
	ჯამი				48196,80
	გემგეიური დაგროვება/ მოგება	8%			3855,74
	სრული ჯამი				52052,55

ფიტარეთის ტაძრის ქვის კონსერვაცია . ხარჯთაღრიცხვა

2 ეტაპი

№	სამუშაოებისა და დანახარჯების დასახელება	განზომილების ერთეული	საპროექტო მოცულობა	ერთეულის ფასი (ლარი)	საპროექტო მოცულობისა და ერთეულის ფასის ნამრავლი (ლარი)
1	2	3	4	5	6
	ქვის კონსერვაციის სამუშაოები (გუმბათი)				-
1	ქვებს შორის ცარიელი ადგილების გამოწმენდა	გრძივი/მ	76,0	4,75	361,00
2	ნაკერებისა და ბზარების ინექტირება	გრძივი/მ	76,0	55,00	4 180,00
3	ნაკერების, მიკრობზარებისა და ბზარების ამოვსება	გრძივი/მ	150,0	50,62	7 593,00
4	კონსოლიდაცია ეთილსილიკატით	მ²	20,0	350,00	7 000,00
5	ქვების ჩამაგრება	მ²	3,0	297,27	891,81
6	რეკონსტრუქცია არმირებული კირის ხსნარით	მ²	10,0	120,00	1 200,00
7	ქვის ნაწილების ფრაგმენტების გაერთიანება	დეციმეტრ²	20,0	200,00	4 000,00
8	ძველი შევსებების გაწმენდა და შეცვლა კირის ხსნარით	მ²	2,0	150,00	300,00
9	მექანიკური წმენდა	მ²	21,0	24,00	504,00
10	ფასადის ბიოციდით შეწამვლა 5-ჯერ	მ²	250,0	6,00	1 500,00
11	ორნამენტების კონსერვაცია	დეციმეტრ²	30,0	250,00	7 500,00
	ინტერიერი				-
1	დიდი ბზარების ინექტირება ჰიდრაულიკური კირით და პოცოლონით	გრძივი/მ	16,0	160,0	2 560,00
2	დიდი ბზარების შევსება	გრძივი/მ	16,0	70,0	1 120,00
3	მცირე ბზარების შევსება	გრძივი/მ	55,0	30,0	1 650,00
	ჯამი				40359,81
	ზედნადები ხარჯები	10%			4035,98
	ჯამი				44395,79
	გემგეიური დაგროვება/ მოგება	8%			3551,66
	სრული ჯამი				47947,45

ფიტარეთის ტაძრის ქვის კონსერვაცია
გეგმა-გრაფიკი

	ეტაპები	1 ეტაპი 01.06.20წ-31.08.20წ			2 ეტაპი 01.09.20წ-25.11.20წ		
	თვეები	ივნისი	ივლისი	აგვისტო	სექტემბერი	ოქტომბერი	ნოემბერი
1	ქვებს შორის ცარიელი ადგილების გამოწმენდა						
2	ნაკერებისა და ბზარების ინექტირება						
3	ნაკერების, მიკრობზარებისა და ბზარების ამოვსება						
4	კონსოლიდაცია ეთილსილიკატით						
5	ქვების ჩამაგრება						
6	რეკონსტრუქცია არმირებული კირის ხსნარით						
7	ქვის ნაწილების ფრაგმენტების გაერთიანება						
8	ძველი შევსებების გაწმენდა და შეცვლა კირის ხსნარით						
9	მექანიკური წმენდა						
10	ფასადის ბიოციდით შეწამვლა 5-ჯერ						
11	ორნამენტების კონსერვაცია						
12	დიდი ბზარების ინექტირება ჰიდრაულიკური კირით და პოცოლონით (ინტერიერი)						
13	დიდი ბზარების შევსება (ინტერიერი)						
14	მცირე ბზარების შევსება (ინტერიერი)						

ხ ე ლ წ ე რ ი ლ ი

ინტერესთა კონფლიქტის არარსებობის შესახებ

ქ. თბილისი

29 აპრილი, 2020 წელი

სსიპ საქართველოს კულტურული მემკვიდრეობის დაცვის ეროვნული სააგენტოს ხელშეკრულების შესრულების კონტროლზე უფლებამოსილი წევრები ვადასტურებთ, რომ სსიპ საქართველოს კულტურული მემკვიდრეობის დაცვის ეროვნული სააგენტოს მიერ თეთრიწყაროს მუნიციპალიტეტი. ფიტარეთის სამონასტრო კომპლექსის მთავარი ტაძრის (გუმბათი) ქვის კონსერვაციის სამუშაოების (CPV - 45454100) შესყიდვის პროცედურაში ხელშეკრულება #3/166ტ 29.04.2020წ. ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და ინტერესთა კონფლიქტში არ ვიმყოფებით.

ჯგუფის წევრები:

ი. ნაგლაძე 

ნ. ზაზუნაშვილი 